



Publicaziuns dalla vischnaunca, jamna 21

Elecziuns cantunalas, votaziun communal e votaziuns federalas dils 10 da zercladur 2018

L'urna principala en casa communal e aviarta sco suonda:
Dumengia, ils 10-6-2018 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediamein, denton **sil pli tard entochen venderdis, ils 8 da zercladur 2018, allas 17.00**, tier l'administraziun communal (tel. 081 920 36 36).

Levgiament da votar

Mintga votant/a ha la pusseivladad vuschar a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grisch e **serrar giu** ella.
2. Metter la cuviarta da votar grisch ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 10 da zercladur 2018 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvalei-vels.

Suprastonza communal

Damonda da baghegiar

2018-1022.000

Datum dalla publicaziun: 25 da matg 2018

La patruna: Ursula Etmüller-Spiess, Via Sogn Gions 11A, 7180 Disentis/Mustér

Il representant: Giovanmaria Sabbadini-Giger, Via Sogn Gions 15, 7180 Disentis/Mustér.

Object: Sanaziun dil mir da crappa e dil plaz da seser existent, construcziun nova d'ina scala per la terrassa, sin parcella 747, Via Sogn Gions 11A, 7180 Disentis/Mustér.

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil re current ni da siu representant.

Disentis/Mustér, ils 22 da matg 2018

Uffeci da baghegiar Disentis/Mustér

Referendum facultativ

Ils 20 d'avrel 2018 ha il cussegl da vischnaunca approbau unanimamein il rapport da gestiun ed il quen 2017. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschii vigur legala.

Il rapport da gestiun 2017 ell'usitada fuorma stampada e ligiada vegn distribuius el decuors dallas proximas jamnas en tuttas casadas. Ulteriurs exemplars san vegnir retratgs en casa communal/stanza da publicaziun.

Suprastonza communal



Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobillas che han pigl 1. da zercladur 2018 habitaziuns ni casas d'ina famiglia vitas, ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **7 da zercladur 2018**.

Sco habitaziuns vitas el senn dalla dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein pil di da controlla (1-6-2018) vitas, denton habitablas e
- ch'ein pil di da controlla (1-6-2018) screttas ora per schar a tscheins permanentamein per silmeins treis meins ni venalas.

Nus engraziein per la cooperaziun.

Administraziun communal

Administraziun communal

Sontgilcrest

Mesjamna, ils 30 da matg 2018, allas 17.00 entochen venderdis, igl 1. da zercladur 2018, allas 9.00 resta l'administraziun communal serrada.

Bien engraziament per Vossa capientscha.

Administraziun communal Disentis/Mustér

Center da formaziun Surselva/Scola da musica

Concert

Mesjamna, ils 6 da zercladur 2018 allas 19.00 en l'aula dalla claustra a Mustér. Concert cun scholaras e scholars dad Oana Camartin e Clau Scherrer

Center da formaziun Surselva CFS

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar termagliar.

Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas.

Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: **ils 29 da matg 2018**

Temps: 14.30–16.00

Liug: Casa da scola Segnas, local Artgin, ella 1. alzada

Prender cun: marenda e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons



Cafè da sentupada/Begegnungscafé

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista organisiert. Alle sind herzlich eingeladen am **Montag, 4. Juni 2018**, von 17–19 Uhr im Gemeindezentrum AUA VIVA in Disentis dabei zu sein.

Referat: Sils fastitgs dils aviuls selvadis

Vortrag: Die nützlichen «Wilden» – den Wildbienen auf der Spur

Sonntag, 27. Mai 2018, 15 Uhr Academia Vivian, Stagias, Medel/Lucmagn

Die Honigbiene ist im Moment überall ein Thema. Dabei wird oft vergessen, dass sie nur eine von rund 600 Bienenarten in der Schweiz ist. Im Vortrag von Flurin Camenisch, Biologe und Naturpädagoge am Bündner Naturmuseum, werden die etwas unscheinbaren «wilden» Bienen und ihr faszinierendes Leben genauer vorgestellt. Auch für Familien mit Kindern ein schönes Sonntagsprogramm!

Kaffee und Kuchen ab 14.30 Uhr/Vortrag 15 Uhr/Shuttlebus auf Anmeldung 14.30 Uhr ab Disentis, Salaplauna (081 936 48 00, info@agricultura.ch)

Eintritt frei, Kollekte

Die Veranstaltungsreihe Aviuls/Bienen wird organisiert von agricultura und der Uniun d'apiculturs Mustér e contuorn.

Forum Kloster Disentis

Prof. Dr. med. vet. Peter Deplazes, Professor für Parasitologie an der Universität Zürich, spricht über das Thema «Wildtiere erobern den Siedlungsraum: Faszinierende Koexistenz mit neuen Krankheitsrisiken»

Freitag, 1. Juni 2018, 20.30 Uhr Peter-Kaiser-Saal.

*Herzliche Einladung, Kloster Disentis,
P. Urban Affentranger*

Uniun da tscheiver Mustér

Radunonza generala

La proxima radunonza generala dall'Uniun da tscheiver Mustér ha liug **mesjamna, ils 30 da matg 2018** allas 20.00 ell'ustria «Fravia» a Mustér. Nus sperein sin stedia participaziun. Era personas che vulan daventar commembras ni commembers dall'UTM ein cordialmein envidai.

La suprastonza dall'UTM

Uniun da catschadurs Péz Alpetta

Salvament d'anseuls

Preziai purs, ussa ei il temps che las cauras-cavriel fan ansiel. Stedi sesanflan ellas cun lur anseuls en praus che vegnan segai. Aschia vegnan mintg'onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls sesanflan, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira (079 293 41 02) ni al guardiaselvaschina (079 397 35 54). Bien engraziament per Vossa collaboraziun.

Il cau da tgira
